

'Fluba "flizan nen Pɔl -a cren -te Tesalonik 'non le

1 ¹An 'bɔ Pɔl 'lee Sila 'lee Timote 'be 'fluba 'gʊe -a cren -te. Kʊa cren -te -leglizi nen Tesalonik be -a -ji 'non le. Ka ya -kaa 'tɪ Bali 'lee Minsan Zozi Crizi -le ve -a. Kʊ 'ka 'tɔ bo.

²-Kaa 'tɪ Bali 'lee Minsan Zozi Crizi 'o 'wee 'yi 'lee 'wee -fʊdɪ -trɔɔ -non 'cee.

Zozi -taa 'tredanɔn 'le tin 'bale

³Kʊ "bʊ Zozinɔn, e ya 'le 'kʊ Bali muo "fɔ tʊ pʁeɔnɔn man 'cee "wean. Kɔɔ 'cee yi -teradɪ Zozi da ta a 'sʊnan, ɛn 'ka cin yɪdɪ 'yi "a 'panan 'da.

⁴-Yee "wean kʊ 'ka 'sɪ -fɔa Bali -le -leglizi -mienun 'le. Kʊa dra zɪ, kɔɔ minnun a 'te 'panan 'ka da, ɛn ka ya 'ka yra yunan, 'pian ka yi -tera Zozi da, ɛn ka'a 'sile Bali -sru 'dɪ.

⁵'Wɪ zɪe -yɛɛ -kɔɔnman 'cee 'nan, Bali -taa tin 'bale 'e 'nɔan da. Kɔɔ 'ka yra nen ka cɪ -a yunan be, -yɛɛ -kɔɔnman 'nan, Bali -taa 'ka 'silea 'yee mingɔnɔn 'treda 'non 'a.

⁶Fɛ nen maan ve zɪe -yɛɛ cɪ 'nan, Bali -a ye 'wɪ 'yi "a, -e 'e 'te 'pa minnun nen o 'te 'paa 'ka da be, o da. ⁷ɛn 'cee ve nen ka cɪ 'ka yra yunan 'labɛ, yaa ye 'wɪ 'yi "a -e 'e 'fʊdɪ -trɔɔ -non 'cee. Yaa -nɔan -kaa pʁeɔnɔn le 'e cin va. E 'wɪ zɪe -a dra tʊ nen Minsan Zozi "sia laji -e 'e 'ta pee wʊ be -a man. Tʊ zɪe -a man nen e -taa 'o 'vale 'yee 'pasianɔn 'pleble nen laji be waa. ⁸E -taa 'te nren -dan yei. -Te e -ta be, e 'wɪ "nen -kɔɔnman minnun nen wa'a Bali -tɔle dɪe -wle. ɛn e 'wɪ "nen -kɔɔnman minnun nen wa'a 'ta wulea -kaa 'san Zozi 'bɔ 'le 'wɪ 'nɔnɔn da dɪe -wle. ⁹O -taa 'wɪ yule -pʊ 'kɔn nen -a le "nen "ka "dɪe -a -ji. O -kɔan 'o 'sidɪ Minsan man -kɔɔbli, ɛn wa'a 'kolaman -yee mingɔnɔn tre nen e "bia be -a yɪdɪ -a dɪ. ¹⁰'Wɪ zɪe e dra yi nen Zozi -taa "man "be, -a da. -A -nan nen minnun nen o cɪ -yee ve

-a en o yi -tera -a wei da be, waa si -foa te waa boa. Ka -kooan "minnun zie o va, koo ka yi -tera 'winun nen kua 'vi 'cee be -a da.

¹¹-Yee "wean ku Bali tru "baa tu pweenon man 'cee 'wi man. Kua laabo -cee Bali lo 'nan, 'e 'ka yi 'wi nen e 'ka laabo "man 'be -a dweenon tigt 'a. En kua laabo -yru "nyian 'nan, 'e 'pa 'ka 'va 'yee 'pleble 'a, -e 'wi 'yi pweenon nen e 'so 'cee 'nan 'ka dra be 'ka dre. En 'e 'pa 'ka 'va -e 'cee 'nyranman nen ka 'nan 'ka "paa yi -teradu -a Zozi da be, 'ka 'pa. ¹²E dre zie, -e -kaa 'san Zozi 'to 'e dre -dan 'cee "wean, -e 'cee 'to 'e dre -dan -yee "wean. 'Wi pweenon zie, 'e dre -kaa "ti Bali 'lee Minsan Zozi Crizi -le 'yi "a.

Bali 'nanmanzan klu "so

2 ¹Ku "bu Zozinon, -kaa 'san Zozi Crizi -tadu nen kua 'wi 'vi be, 'lee -kaa cin yidu -a "srön "nen, kua 'vi be, ku 'wi "paala 'cee "da. ²-Te min -a 'vi 'cee 'nan, Zozi 'ta 'va be, te 'ka 'ci 'e baa -ji -e 'ka 'si 'si tigt da du! -Te Bali 'lewei vünon 'le nen kaa 'man oo, te 'ka 'ci 'e baa -ji du! En -te Bali -le 'wi vünon 'le nen kaa 'man oo, te 'ka 'ci 'e baa -ji du! En -te min -a 'vi 'cee 'nan, kve cren -te 'fluba 'ji oo, te 'ka 'ci 'e baa -ji du!

³Te 'ka 'wi "man -e min -tu 'e 'ka see "paa 'wi zie -a da du! Fe nen maan ve zie -yee ci 'nan, tu nen min "kaga Bali wei -foala 'o "tröen -sru "be, e boa 'vaa -e Zozi 'ta yi 'e bo. En min nen e 'wi 'wliidu "paa 'nyranman -a en Bali -a 'pla 'te 'le ve -a be, e -taa 'vaa -e yi zie 'e bo. ⁴Min zie Bali 'nanmanzan nen. -Yee -taa -a vile 'nan 'yee ci fe pweenon nen minnun a laabo Bali te waa boa "be -a da. E -taa 'e 'fli drele -dandan. Yaa dra -trilii, -e 'e -wlala 'yee -dandan 'tandu 'bo 'a Bali -pan 'kuin, -e 'e -nyran. Yaa ve 'e 'fli man 'nan, 'yee ci Bali -a.

⁵Tu nen te an ya tian 'ka 'va be, an -fo 'e 'flin an 'winun zie -a 'vi 'cee. -A -cin 'san 'ka 'ji? ⁶En fe nen e -si -töa tian Bali 'nanmanzan zie -yru "be, kaa -töa. Fe zie e -si -töa -yru "trilii, -e tu nen Bali 'bo 'a -tö -yre "be, e 'bo. -A -nan nen -a ta boala. ⁷Nyranman -wliidu "nen Bali 'nanmanzan 'bo 'a "paa be, e ya -a 'panan 'va. 'Pian yaa "paa 'e yooü, koo min -tu -si -töa tian -yru. -Te 'be 'ka 'nyian -nan düe, ⁸-a -nan nen Bali 'nanmanzan zie, -a ta boala. Yi zie -a da nen Minsan Zozi -a -tea 'e 'le fulö -a. 'Wi 'kpa Minsan Zozi 'le -tadu -a -nan -nyaan.

⁹Bali 'nanmanzan zie Satan 'be -koladu -non -yre. -Yee "wean e -kolaman -dravia wi 'to 'tuü pweenon dredü -a. En e -kolaman 'wi -koon "man winun 'lee -ce -srön "winun dredü -a. 'Wi pweenon zie yaa dra 'nan -e 'e minnun see "paa. ¹⁰'Wi 'kpa, minnun nen o ya -si nen e o "sia Bali man be -a da be, Bali 'nanmanzan -taa o see "paale 'wi 'wliidu 'to -tuü pweenon nen yaa dra be -a. Koo wa'a Bali -le 'wi tigt nen, e o "sia paan 'wi 'ji be -a yüle "yi "du. ¹¹-Yee "wean nen Bali -a dre en Bali 'nanmanzan 'le see "paa winun -koola o man yidu -a, 'nan -e 'o yi -tera 'wlu winun da. ¹²Bali 'wi zie -a dre 'nan -e 'e tin -te minnun zie o da. Koo wa'a yi -telea 'wi tigt da du, 'pian o 'wi 'wliidu "dredü 'yi 'yi.

'Ka 'tɔ 'pleble Bali -le 'wɪ 'ji!

¹³'Kɔ "bɔt Zozinɔn, kva -tɔa 'nan Minsan 'ka ye 'yi. En tɔ nen Bali 'ka tian 'trɛ drele dɛ, e 'ka 'si 'va 'nan -e 'e 'ka 'si 'wɪ 'ji. -Yee "wean e ya "le 'ku Bali muo "fɔ tɔ pɛɛnɔn man 'cee "wean. 'Wɪ 'kpa, Bali -taa 'ka 'sile 'wɪ 'ji, kɔɔ 'yee lei 'saun 'ka dre Bali -le vɛ -a "fo, en ka yi -tera 'wɪ tɪɪtɪ da. ¹⁴'Ka 'sidɪ 'wɪ 'ji -le "wean nen Bali 'ka laabu 'wɪ 'nɔnɔn nɛn kva 'vɪ 'cɛɛ bɛ -a. E 'ka laabu 'nan -e 'tɔ -dan nen -kaa san Zozi Crizi -lɔ bɛ, 'ka dre -a "nen "blɪnɔn 'a.

¹⁵-Yee "wean 'ku "bɔt Zozinɔn, 'ka 'tɔ 'pleble Bali -le 'wɪ 'ji! 'Wɪ pɛɛnɔn nɛn kva paa 'ka 'ji bɛ, 'ka 'tɔ "da 'pleble! -Te kva 'vɪ 'ku 'le oo, en -te 'fluba nɛn kva cɛn -tɛ 'cɛɛ oo, 'ka 'tɔ "da 'pleble!

¹⁶-Kaa "tɪ Bali -kaa 'yɪ 'yi, en e "yi -dan dre -cɛɛ. -Yee "wean -kaa "koe a -kaa da 'li "fo "le vɛ -a, en -kaa 'bli a "da 'nan 'belidɪ a -cee vɛ -a. Kva laabo -kaa "tɪ Bali 'lee -kaa 'san Zozi Crizi -lɔ 'nan, ¹⁷'o 'ka "koe "tɔ 'ka da "fo. En kva laabo -wɪlɔ "nyian 'nan, 'o 'pleble 'nɔn 'cɛɛ, -e tɔ pɛɛnɔn man 'ka 'wɪ 'yi "dre, en 'ka 'wɪ 'yi "vɪ.

'Ka Bali trɔ 'ba 'kɔɛ!

3 ¹'Kɔ "bɔt Zozinɔn, kva 'le -sɛanla -a laabudɪ 'ka 'lɔ 'nan, 'ka Bali trɔ 'ba 'kɔɛ 'wɪ man. 'Ka Bali trɔ 'ba 'nan -e Minsan -le 'wɪ 'e fuila "man fɛ pɛɛnɔn 'nan. En 'ka trɔ 'ba 'nan min "kaga 'o 'wɪ "man ci "nrandɪ -a, "le zɪ ka wɪ "man "bɛ -yee 'wɪ 'zɔ. ²'Ka Bali trɔ 'ba "nyian 'nan, 'e 'pɛ 'pa 'ku da min -wɪlidunɔn nɛn o "naan 'ku man bɛ, -wee "wean. Fɛ nɛn maan vɛ zɪɛ -yɛɛ cɪ 'nan, minnɔn pɛɛnɔn "cɛɛ "we "man -e 'o yi -tera Bali wei da dɪ.

³'Wɪ nen Minsan -a 'vɪ bɛ, yaa dra. E 'ka man -tɔa 'pleble 'ta wudɪ -a Bali -sru. En ya'a 'ka 'tɔvɛ -e Satan nɛn e 'wɪ 'wɪlɪdɪ "paa 'nyranman -a bɛ 'e 'ka man yɪ dɪ. ⁴Kɔ yi -tɛala Bali da 'nan, 'wɪnɔn nɛn kva 'pla 'cɛɛ bɛ, ka ya -a drenan, en kaa dra 'li 'trilii. ⁵Kva laabo Minsan lɔ 'nan, 'e 'cee ci "nrɔndɪ 'pla Bali -le min yɪdɪ "yi "da, en e 'pla -pɔan 'sɔdɪ nɛn Zozi 'ji bɛ -a da.

Te 'ka dre kɔannɔn 'a dɪ!

⁶'Kɔ "bɔt Zozinɔn, kɔ 'wɪ "paala 'cɛɛ -kaa san Zozi Crizi 'tɔ da 'nan, Zozinɔn pɛɛnɔn nɛn o kɔan wo, te wa'a 'nyranman paa dɛ, en te wa'a 'ta wɪla 'wɪnɔn nɛn kva paa 'ka 'ji bɛ -a da dɛ, te 'ka -blɪ waa dɪ! ⁷Kaa -tɔa 'ka 'bɔ 'a 'nan, e ya "le 'ka dre 'ku si drenɔn 'a. Kɔɔ kɔ 'lɔ 'ka 'va bɛ, kɔ'a kɔan wɪle dɪ, ⁸en kɔ'a min lɔ fɛ -blɪle 'e "tun "dɪ. Bodrun funnin, te 'ku "koe -nyaan 'nyranman 'padɪ -a, 'nan -e 'kɔvɛ -blɪfɛ 'e vɪle 'e dre 'ka 'tɔ -win -ji -trɔ -a dɪ. ⁹'Kɔ 'blɪfɛ 'sia paan 'ka 'lɔ, 'pian ya'a drele zɪ dɪ. Kɔɔ kva wɛɛ 'nan, 'ku dre 'cee 'wɪ -kɔɔn "mannɔn 'a, en 'ka dre 'ku si drenɔn 'a. ¹⁰En tɔ nen te kɔ ya tian 'ka 'va bɛ, kva paa 'ka 'ji 'nan, min nɛn 'e 'ka "vale 'e 'nyranman "paa dɛ, te 'ka fɛ -nɔn -yɛɛ "dɪ.

¹¹ 'Be nen 'gʊe, kʊa 'man 'nan, 'ka 'va min -mienun 'o 'fli dre kɔannɔn 'a. Wa'a 'nyranman paa dɪ, te o -cia 'o 'tɔ wɔdɪ -a min peenun -le 'wɪ 'ji. ¹² Kɔ 'wɪ "paala minnun zɪe -wɪe Minsan Zozi Crizi 'tɔ da 'nan, 'nyranman 'padɪ da nen 'o yɪe 'trɔa, te waa "nen "fɛ -ble.

¹³ Kɔ "bɔɪ Zozinɔn, te 'ka "koe 'e 'si 'ka da 'wɪ 'yi "drɛdɪ -a dɪ!

¹⁴ Min nen ya'a 'ta wɔlɛa 'wɪ nen kʊa cren -tɛ zɪe -a da dɪɛ, 'ka 'san -kɔnnɛn 'pla, te 'ka "nran waa dɪ. 'Ka drɛ zɪe -e 'yra 'e -tɛ. ¹⁵ 'Pian te 'ka 'san 'sia "le 'ka 'nanmanzan 'zɔ dɪ! E ya 'ka "bɔɪ Zozizan 'tɔ -a, 'wɪ nen 'ka 'pla -yrɛ!

¹⁶ Minsan nen -fɔdɪ -trɔɔ "sia "va "be, kʊa laabo -yrɔɔ 'nan, 'e 'fɔdɪ -trɔɔ -nɔn 'cɛɛ. 'E -nɔn yi pɛɛnɔn man, ɛn 'e -nɔn -pɛ pɛɛnɔn 'ji! Minsan 'e 'pa 'ka pɛɛnɔn 'va!

¹⁷ An 'bɔ Pɔl 'be 'ka 'tɔ bɔdɪ 'gʊe -a cren -tɛ 'an 'pɛ -a. Zɪ maan dra 'mɛn 'fluba pɛɛnɔn 'ji zɪe -e 'ka -tɔ 'nan mɛɛn 'pa 'sia 'cɛɛ.

¹⁸ -Kaa 'san Zozi Crizi -le 'yi 'e 'kɔn 'ka pɛɛnɔn 'va!